

p.102 line -6【轉四諦】

四佛	化佛	應佛	報佛	法佛
四諦	生滅	無生	無量	無作
四教	藏	通	別	圓
四處	人間	天上	方便	實報寂光

p.108 line -3【臘】又作戒臘、法臘、夏臘、坐臘。指僧侶受具足戒以後之年數。坐夏，或曰坐臘，戒臘之義始此。據釋氏要覽卷下載，比丘以夏安居之最後一日（七月十五日）為受臘日，自此而有法歲，十六日則為新歲歲首。僧侶之長幼順序即依戒臘之多寡而定；受戒年數未久者，則稱淺臘。另有一說，謂法臘乃指剃度以後之年數，戒臘為受具足戒以後之年數。～《佛光大辭典》

p.108 line -3【三種長老】《長阿含》卷八〈眾集經〉列舉三種長老：(一)年耆長老，指入佛道經年之僧。(二)法長老，指精通教法之高僧。(三)作長老，為世俗假名之長老。～《佛光大辭典》

p.110 line -2【根本律】《根本說一切有部毘奈耶》卷31：「身語意業不造惡，不惱世間諸有情；正念觀知欲境空，無益之苦當遠離。」爾時愚路誦此伽他，雖經三月不能誦得。」(T23, p.796, b9-11)

p.111 line 2+3【佛之親弟、堂弟】【四王八子】出《釋迦譜》，四王各生二子，故通有八子也。

師 子 頰 王	}	淨飯王	—	<u>悉達多</u> 、 <u>難陀</u>
		白飯王	—	<u>調達</u> （提婆達多）、 <u>阿難</u>
		斛飯王	—	摩訶男、 <u>阿那律</u> （ <u>阿菴樓駄</u> ）
		甘露飯王	—	婆娑、跋提

～《佛光大辭典》

p.111 line 4【八不思議】《大般涅槃經》卷40〈13 憍陳如品〉：「阿難事我二十餘年，具足八種不可思議。何等為八？一者事我已來二十餘年，初不隨我受別請食。二者事我已來，初不受我陳故衣服。三者自事我來，至我所時終不非時。四者自事我來，具足煩惱，隨我入出諸王剎利、豪貴大姓，見諸女人及天、龍女，不生欲心。五者自事我來，持我所說十二部經一經於

耳曾不再問……六者自事我來，雖未獲得知他心智，常知如來所入諸定。七者自事我來，未得願智，而能了知如是眾生到如來所，現在能得四沙門果、有後得者、有得人身、有得天身。八者自事我來，如來所有祕密之言悉能了知。善男子！阿難比丘具足如是八不思議，是故我稱阿難比丘為多聞藏。善男子！阿難比丘具足八法，能具足持十二部經。何等為八？一者信根堅固、二者其心質直、三者身無病苦、四者常勤精進、五者具足念心、六者心無憍慢、七者成就定慧、八者具足從聞生智。」(T12, p. 601, b26-c22)

p. 112 line 4【薄拘羅】《阿彌陀經疏》卷1：「薄拘羅」者，此云善容，謂好容儀。過去曾持一不殺戒，今得五不死報：一、釜煮不死；二、鏃搏不焦；三、墮水不溺；四、魚吞不爛；五、刀割不傷。《五百弟子自說本起經》云：我昔曾施病僧藥及施沙門一呵梨勒，九十劫以來不墮惡道，今年一百六十未曾有病。…《中阿含經》云：我持糞掃衣來八十餘年，未曾憶受用針線縫衣及針綿囊乃至一縷，未曾從一大家乞食，未曾視女人面及入比丘尼房，亦不共語。未曾憶畜一沙彌，且不曾暫患頭痛等，亦不曾服一片藥，八十年來常結跏趺坐未曾倚物。《雜阿含》云：佛滅度之後，時阿育王遍禮諸塔廣施珍寶，聞薄拘羅少欲第一，乃施一金錢。時彼塔神還擲出之。王言：「善哉！真實少欲，一錢亦不受也。」」(T37, p. 317, b21-c12)

p. 112 line -3【法身示作影響眾】此等大眾，本是法身大士，示作聲聞，證此不思議法。從佛轉輪廣利人天，今聞淨土攝受功德，信受奉行，實乃以身作則，勸吾人深信莫疑也。—淨空和尚《彌陀要解研習報告》

p. 112 line -3【增道損生】為天台宗所說「法華本門」之利益。道，指中道之智；生，指變易生死。增道損生，即謂中道之智漸次增進，而變易生死隨之漸次損減。法華經玄義序云(T33, p. 681, b)：「發眾聖之權巧，顯本地之幽微。故增道損生，位鄰大覺；一期化導，事理俱圓。」蓋據天台宗之說，於菩薩修行階位中，自初住位以上至妙覺位之四十二階位菩薩，其中道之智次第而增，稱為增道；由於智增而四十二品之無明遂斷，變易生死乃漸次損減，稱為損生。此係就一法身之智、斷二德而論其增減。又天台宗論四十二位之增道損生，並非如別教之隔歷次第。法華經玄義卷五上(T33, p. 735, b)：「今文明四十二位炳然，皆是無次位之次位，達於實相增道損生，論次位耳。」—《佛光大辭典》

p.113 line 6【十種瑞相】《大乘本生心地觀經淺註》卷1：「菩薩示現生時。有十種祥瑞：一光明滿室。二甘露盈庭。三地涌七珍。四神開寶藏。五雞生鳳子。六猪媿龍豚。七馬產麒麟。八牛生白澤。九倉變金粟。十象具六牙。十種瑞相。皆不可測。故曰妙吉祥菩薩。」(X20, p. 896, a21-b1)

p.114 line 4【大道心乃大智】大義《法華經大成》卷1：「大道心。以有大根。具大智。信大法。解大理。修大行。立大因。成大果故。亦云覺有情。約自行。菩薩是一分能覺悟之有情。非餘凡夫不自覺故。約利他。菩薩又能開覺法界之有情。非餘二乘不覺他故。覺是佛地正覺之智。情是迷執諸情生。菩薩上求佛覺。下化有情。非餘悲智全無。或一故。」(X32, p. 363, c8-14)《阿彌陀經疏鈔》卷2：「摩訶薩者。此云大道心眾生。以具四種大故。又法華六大。佛地三大。不出四故。菩薩摩訶薩。猶云菩薩中大菩薩也。揀非諸小菩薩故。……大有四義者。清涼疏謂一者願大。求大菩提故。二者行大。二利成就故。三者時大。經三無數劫故。四者德大。具足一乘諸功德故。法華六大者。信大法。解大義。發大心。趨大果。修大行。證大道。而信解發三。第一願大中攝。趨者。第三時大中攝。修者。第二行大中攝。證者。第四德大中攝。」(X22, p. 630, c24-p. 631, a17)

p.114 line 6【庶子、外子】「庶子」，舊時指嫡子以外的眾子；亦指妾所生之子。「外子」，舊時稱外婦生的兒子。～《漢語大詞典》

p.114 line 8【根本實智】即是「無分別智」。指離能取、所取之相，而轉為平等性之智。如陳譯《攝大乘論釋》卷十一云(T31, p. 235, b)：「無分別智，緣一切有為、無為等諸法真如，通為一境，此智與境無復分別。」菩薩於初地入見道時，緣一切法之真如，斷離能取與所取之差別，境智冥合，平等而無分別之智。亦即遠離名想概念等虛妄分別之世俗認識，唯對真如之認識，能如實而無分別。此智屬於出世間智與無漏智，為佛智之相應心品。～《佛光大辭典》、《中華佛教百科全書》

p.114【四大菩薩】示勸「信願行」。文殊，表智慧—勸信。彌勒，表一生補處（中國造像表平等喜悅—極樂之意）—勸願。乾陀訶提，不休息；常精進，永不退。兩位菩薩顯示行菩薩道須如善財之參學，一生修證寂光淨土—勸行。～淨空和尚《彌陀要解研習報告》《阿彌陀經疏鈔》卷2：「【疏】結上例餘同前。就當經。則表信行願三。成淨土因故。【鈔】同前者。結上文殊

彌勒等。例餘。則普賢觀音一切菩薩也。信行願者。妙首表信。求生淨土。信為最先。經云。若有信者是也。精進表願行。精者不雜。進者不退。不雜者。經云一心不亂。不退者。經云不退轉菩提是也。不休息者。即不退義。又彌勒慈行。乾陀梵行。觀經云。慈心不殺。具諸戒行。是也。成淨土因。則列諸菩薩。非無因故。」(X22, p. 632, a13-21)

p. 114 line -3【三寶、三德秘藏】「三德」：法身德、般若德、解脫德。知禮《金光明經玄義拾遺記會本》卷1：「三德之理是佛極證。絕乎名相曰秘密藏。此藏得顯功由覺智。」「以佛法僧皆具四德。是可尊重故三名寶。此與三德其體不別。」「三德、三寶。名異義同。故聖以四悉廣布不同。其實體性無二無別。」「果用轉名三寶。亦即秘藏轉名三德。故知節節但轉其名。不改其法。」「華嚴三歸。以體解大道為佛。深入經藏為法。統理大眾為僧。三雖在果而是一體三寶。若此方與三德無二無別。」(X20, p. 37, a22-p. 45, c12)【不離三寶】善財童子參訪「妙住比丘」(表第三住：修行住)問：「我聞聖者善能誘誨；唯願慈悲，為我宣說菩薩云何恒見諸佛？聞法勤修而不捨離？菩薩云何恒同一切菩薩善根而不捨離？」(40《華嚴經》〈普賢行願品〉卷5, T10, p. 682, c28-p. 683, a2)澄觀《華嚴經行願品疏》卷4：「菩薩云何恒見下。別問起行勝用。有十一句。所行各別。初三不離三寶行。」(X05, p. 101, c10-12)

p. 117 line 3【戒乘緩急】《靈峰蕩益大師宗論》卷3：「問：戒乘緩急，四句料揀，本出經論。畢竟以何為戒，以何為乘？…答：乘戒同依一性，元非異體。故緣了二修，亦常相即，如梵網大論所明是也。但眾生積迷既久，事理二障，各有輕重，致令修時，亦分緩急。此則性遮諸業為戒，念處觀慧為乘。而藏通二教，戒指七眾律儀，乘指生滅、無生二種念觀。別圓二教，戒指梵網重輕并七眾律儀，乘指無量、無作二種念觀。各就當教，自有事障重、理障輕者，堪修觀慧，易犯性遮，名乘急戒緩。自有理障重、事障輕者，堪能護戒，不達理觀，名戒急乘緩。若二障俱輕，則戒乘俱急。二障並重，必戒乘俱緩。此歸著大略也。」(J36, p. 306, b22-c4)

戒急：三善道。(上：色無色界天。中：欲天。下：人道。)

戒緩：三惡道。

乘急：見佛聞法。(上：別、圓教。中：通教。下：三藏教。)

乘緩：不見佛、不聞法。(上：華嚴法華時。中：方等般若時。下：阿含時。)